

## REGLUGERÐ

### um búfjánhald í lögsagnarumdæmi Akureyrar.

#### I. KAFLI.

##### Almenn ákvæði.

##### 1. gr.

Búfjánhald (nautgripa, hrossa, svína, sauðfjár, geita og alifugla) er óheimilt innan lögsagnarumdæmis Akureyrar, nema með sérstöku leyfi bæjarstjórnar. Tilgangurinn er að vernda gróðurlendi bæjarins.

##### 2. gr.

Sá sem hyggst sækja um leyfi samkvæmt 1. gr. skal senda um það umsókn til umhverfisnefndar. Í umsókninni skal gera grein fyrir fjölda þess búfjár, sem óskað er leyfis fyrir, hvernig geymslu þess verði háttað og öðru, er máli kann að skipta.

##### 3. gr.

Nú telur umhverfisnefnd að skilyrði til búfjánhalds séu fyrir hendi og getur hún þá lagt til við bæjarstjórn að leyfi verði veitt, sem bundið er við tiltekinn hámarksfjölda búfjár. Veitt leyfi til búfjánhalds skuldbindur Akureyrarbæ þó ekki til þess að sjá leyfishöfum fyrir beutilandi handa búfé né veita þeim aðra aðstöðu til búfjánhaldsins. Leyfið er veitt til óákveðins tíma en er uppsegjanlegt með árs fyrirvara miðað við 1. júní ár hvert. Leyfið er háð gildandi reglugerð um búfjánhald á hverjum tíma og er gefið út á nafn og er ekki framseljanlegt.

##### 4. gr.

Greiða skal gjald fyrir veitt leyfi til búfjánhalds. Má ákveða gjald fyrir hvern grip, sem leyfi er veitt fyrir, eða ákveða upphæð fyrir hvert leyfi. Umhverfisnefnd gerir árlega tillögu til bæjarráðs um upphæð leyfisgjalds vegna búfjánhalds.

##### 5. gr.

Sá sem fær leyfi til búfjánhaldsins samkvæmt reglugerð þessari skal hafa búféð í öruggri vörslu og ber hann ábyrgð á öllu því tjóni, sem það kann að valda.

##### 6. gr.

Ef leyfishafi brýtur reglugerð þessa um meðferð búfjárins, má afturkalla leyfið og getur þá umsýjarmaður jardeigna og dýraeftirlits hlutast til um að búféð sé tekið úr vörslu eiganda og er heimilt að selja það á opinberu uppboði eða slátra því. Þannig má og fara með búfé, sem ekki hefur verið fengið leyfi fyrir.

##### 7. gr.

Enginn má hafa búfé, nema hann hafi yfir það hús, sem samræmist kröfum opinberra yfirvalda. Leyfishafi ber einn ábyrgð á því að hann hafi beutiland handa búfé sínu á sumrum og fóður að vetri svo og allri meðferð búfjárins. Ef búfjáreigandi vill láta búpening ganga úti að vetri eða beita búfé skal það því aðeins heimilt að búféð sé í öruggri vörslu.

##### 8. gr.

Eigendur sauðfjár skulu greiða hagagöngugjald ár hvert fyrir beit á Glerárdal. Á sama hátt skulu eigendur hesta greiða hagagöngugjald fyrir beit á Glerárdal.

Umhverfisnefnd gerir árlega tillögu til bæjarráðs um upphæð hagagöngugjalds. Hagagöngugjald fellur í gjalddaga í nóvember ár hvert og skal það fyrir sauðfé reiknað eftir skýrslum forðagæslumanns. Hagagöngugjald reiknast fyrir liðið sumar.

Um upprekstur og beit sauðfjár og hesta á Glerárdal nyrðri ofan fjallgirðingar og hagagöngugjald fyrir beitarréttindi vísast til samkomulags milli eigenda landsins.

## II. KAFLI.

### Um nautgriphald, svína, geitfjár og alifugla.

#### 9. gr.

Nautgripi skal hafa neðan fjallgirðingar á afgirtum túnum eða löndum og bera eigendur alla ábyrgð á að þeir sleppi ekki út af löndum þeirra.

#### 10. gr.

Utanhúss skulu svín og alifuglar vera í stíum eða á vel afgirtum svæðum.

#### 11. gr.

Vörslu geitfjár utanhúss skal hverju sinni hagað í samráði við umsjónarmann jarðeigna og dýraeftirlits.

## III. KAFLI.

### Um sauðfjárhald.

#### 12. gr.

Félagssamtök fjáreigenda tilnefna trúnaðarmann, sem í samvinnu við umsjónarmann jarðeigna og dýraeftirlits skal fylgjast með, að leyfður fjöldi sauðfjár fari ekki yfir sett hámark og umsækjendur hafi hús og möguleika til fóduröflunar og aðra nauðsynlega aðstöðu.

#### 13. gr.

Óheimil er að hafa sauðfé neðan afréttargirðingar á tímabilinu 15. júní til 1. september nema með sérstöku leyfi umsjónarmanns jarðeigna og dýraeftirlits og skal slíkt leyfi vera skriflegt. Nauðsynleg skilyrði má setja í leyfið.

#### 14. gr.

Leyfður fjöldi á afrétti (ítala) skal ákveðinn að hausti ár hvert eftir að umhverfisnefnd hefur látið kanna ástand gróðurlendis á Glerárdal. Reynist nauðsynlegt að fækka sauðfé (lækka ítölu) á afrétti, skal að jafnaði fækka sauðfé þeirra einstaklinga, sem eiga fleiri en 10 vetrarfóðraðar kindur og/eða þeirra fjölskyldna, sem eiga fleiri en 20. Ákvæði þetta tekur þó ekki til lögbýlisjarða innan lögsagnarumdæmisins.

## IV. KAFLI.

### Um hestahald.

#### 15. gr.

Félagssamtök hestamanna tilnefna trúnaðarmann, sem í samvinnu við umsjónarmann jarðeigna og dýraeftirlits skal fylgjast með því að leyfður fjöldi hesta fari ekki yfir sett hámark og umsækjendur hafi hús, möguleika til fóduröflunar og aðra nauðsynlega aðstöðu svo sem beitiland.

#### 16. gr.

Með tilvísun til samkomulags milli eigenda jarðanna Glerár, Hlíðarenda, Hesjuvalla og Lögmanshlíðar, getur bæjarstjórn heimilað hestamannafélagi að beita hestum á afrétt

Akureyrar eftir 1. göngur ár hvert (um 15. september). Leyfður fjöldi er nú takmarkaður við 60 hesta á norðurdalnum en 40 hesta á suðurdalnum og er heimilt að endurskoða þann fjölda ef þurfa þykir. Reynist nauðsynlegt að fækka hestum á afrétti, skal að jafnaði fyrst fækka hestum þeirra einstaklinga sem eiga fleiri en 4 hesta á og/eða þeirra fjölskyldna sem eiga fleiri en 7 á afrétti.

#### V. KAFLI.

#### Um byggingar peningshúsa, leigu á löndum til grasnytja o.fl.

##### 17. gr.

Byggingar peningshúsa eru aðeins leyfðar á skipulögðum svæðum fyrir búfjárhald. Undantekning þar frá eru peningshúsabyggingar á lögbýlisjörðum og býlum í bæjarlandinu.

##### 18. gr.

Bygginganefnd gerir tillögur til bæjarstjórnar um veitingu byggingalóða og byggingaleyfa fyrir peningshús á skipulögðum svæðum fyrir búfjárhald og veitingu byggingaleyfa fyrir peningshús á lögbýlisjörðum og býlum í bæjarlandinu, enda hafi umsækjendur leyfi til búfjárhalds.

##### 19. gr.

Bæjarstjórn getur ákveðið bann við öllu búfjárhaldi innan ákveðins svæðis bæjarlandsins, er nái út fyrir hin skipulögðu byggingarsvæði ef þurfa þykir. Geymsla búfjár á erfðafestulöndum þar sem leyft er skv. framansögðu skal því aðeins heimil, að girðingar umhverfis þau séu örugglega fjárheldar. Sama gildir um býli og lögbýlisjarðir.

##### 20. gr.

Umhverfisnefnd gerir tillögur til bæjarstjórnar um afgreiðslu erinda um leigu á löndum til beitar og ræktunar. Leitast skal við að taka til greina tillögur stjórna hestamanna- og fjáreigendafélaganna um leigu á löndum sem miða að því að jafna aðstöðu félagsmanna. Samráð skal haft við yfirmann skráningardeildar fasteigna varðandi afgreiðslu erinda um lönd og leigur á löndum.

Yfirmaður skráningardeildar fasteigna heldur skrá um lönd og leigur á löndum og varðveitir öll frumgögn þar að lútandi.

Umhverfisnefnd gerir árlega tillögu til bæjarráðs um bráðabirgðaleigu á löndum til grasnytja svo og bætur fyrir ræktun á erfðafestulöndum í samráði við yfirmann skráningardeildar fasteigna.

##### 21. gr.

Einstaklingar og félög hesta- og fjáreigenda, sem hafa lönd á leigu til grasnytja, skulu leitast við að viðhalda gróðri landsins og efla hann m.a. með því að bera á löndin eftir þörfum. Leigutaki skal gæta þess, að löndin verði aldrei ofbeitt. Umsjónarmaður jarðeigna og dýraeftirlits skal fylgjast með ástandi leigulanda, en getur einnig kvatt til óvilhalla menn, ef ástæða þykir til.

##### 22. gr.

Umsjónarmaður jarðeigna og dýraeftirlits skal gegna starfi forðagæslumanns og hefur daglegt eftirlit með jarðeignum bæjarins og vörslu bæjarlandsins í samráði við umhverfisstjóra. Umsjónarmaður jarðeigna og dýraeftirlits skal halda skrá um leyfishafa búfjárleyfa og leyfðan fjölda búfjár.

VI. KAFLI.  
**Ýmis ákvæði.**

23. gr.

Umsjónarmaður jarðeigna og dýraeftirlits skal láta handsama og taka í vörslu bæjarins búfé svo sem hesta, nautgripi og sauðfé, sem látið er ganga laust í bænum, gagnstætt fyrirmælum samþykktar þessarar. Ennfremur geta þeir, sem fyrir ágangi verða látið hand-sama ágangsfénað en þeir skulu skýra umsjónarmanni jarðeigna og dýraeftirlits frá því tafarlaust. Eigendum slíks fénaðar ber að greiða allan kostnað af handsömun þess, fódrun og annan kostnað, sem af slíku leiðir og má láta selja búfénaðinn á opinberu uppboði til lúkningar kostnaðinum verði fénaðurinn ekki leystur út innan sólarhrings frá því eigandinn fékk vitnesku um handsömunina eða ef eigi er vitað um eiganda innan hæfilegs tíma eftir að auglýsing um fénaðinn hefur verið birt. Einnig skal eigandi slíks búfjár bæta það tjón, er búféð hefur valdið. Ef um ítrekað brot verður að ræða á lausagöngu fjár varðar það sektum og leyfissviptingu. Umhverfisnefnd gerir árlega tillögu til bæjarráðs um handsömunargjald vegna lausagöngu búfjár.

24. gr.

Brot gegn reglugerð þessari varðar sektum. Með mál út af brotum skal farið að hætti opinberra mála.

Reglugerð þessi staðfestist til þess að öðlast þegar gildi. Jafnframt er felld úr gildi reglugerð um búfjárhald í lögsagnaumdæmi Akureyrar nr. 141/1977.

*Félagsmálaráðuneytið, 13. mars 1990.*

**Jóhanna Sigurðardóttir.**

*Pórhildur Línadal.*

28. febrúar 1990

Nr. 130

## REGLUGERÐ

**um breytingu á reglum um björgunar- og öryggisbúnað íslenskra  
 skipa nr. 325/1985, sbr. 171/1987.**

1. gr.

Grein 5.2. orðist svo:

Björgunarbúninga skal staðsetja ofan við aðalþilfar. Þegar það er eigi unnt án meiri háttar breytinga á skipinu er Siglingamálastofnun ríkisins heimilt að samþykkja aðra staðsetningu í skipum minni en 24 metrar mesta lengd.

2. gr.

Reglugerð þessi sem sett er samkvæmt lögum nr. 51/1987 um eftirlit með skipum staðfestist hér með til að öðlast þegar gildi og birtist til eftirbreytni öllum sem hlut eiga að máli.

*Samgönguráðuneytið, 28. febrúar 1990.*

**Steingrímur J. Sigfússon.**

*Ragnhildur Hjaltadóttir.*